

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
MINISTARSTVO UNUTRAŠNJIH POSLOVA  
T U Z L A

Broj : 08-03/1-1-44-847/08

Dana: 03. 04. 2009. godine

Ministarstvo unutrašnjih poslova Tuzlanskog kantona, na osnovu člana 200. Zakona o upravnom postupku ("Sl. novine F BiH", broj 2/98 i 48/99) i člana 10. Pravilnika o uslovima za ispitivanje funkcionalnosti opreme i sistema za dojavu i gašenje požara ("Sl. novine TK-a" broj: 9/02), rješavajući po zahtjevu DD "Institut za zaštitu, ekologiju i obrazovanje" Tuzla, u predmetu izdavanja odobrenja za ispitivanje sistema za dojavu i gašenje požara, sistema za dojavu prisutnosti zapaljivih gasova i para i sistema sigurnosne i panik rasvjete, **donosi**

## R J E Š E N J E

### I

**ODOBRAVA SE** DD "Institut za zaštitu, ekologiju i obrazovanje" Tuzla, da obavlja poslove ispitivanja funkcionalnosti opreme i sistema za dojavu i gašenje požara.

### II

Odobrenje se izdaje za obavljanje poslova i to:

- a)-prvo ispitivanje** sistema za dojavu požara, sistema za dojavu prisutnosti zapaljivih gasova i para i sistema sigurnosne i panik rasvjete i
- b) periodično ispitivanje** sistema za dojavu požara, sistema za gašenje požara, sistema za dojavu prisutnosti zapaljivih gasova i para i sistema sigurnosne i panik rasvjete.

## O b r a z l o ž e n j e

Ministarstvu unutrašnjih poslova Tuzlanskog Kantona obratio se DD "Institut za zaštitu, ekologiju i obrazovanje" Tuzla, sa zahtjevom za izdavanje odobrenja za ispitivanje sistema za dojavu i gašenje požara, sistema za dojavu prisutnosti zapaljivih gasova i para i sistema sigurnosne i panik rasvjete, propisane članovima 5,7,8 i 9 Pravilnika o uslovima za ispitivanje funkcionalnosti opreme i sistema za dojavu i gašenje požara ("Sl. novine TK-a", br. 9/02).

Postupajući po navedenom zahtjevu, Ministarstvo unutrašnjih poslova Tuzlanskog Kantona, inspektor za zaštitu od požara je dana 24. 12. 2008. godine, izvršio vanredni pregled u DD "Institut za zaštitu, ekologiju i obrazovanje" Tuzla i tom prilikom utvrdio i zapisnički konstatovao (Zapisnik broj: 08-01/1-44-994/08 od 24. 12. 2008. godine) da je obvezujuća odgovarajuća oprema potrebna za ispitivanje sistema navedenih u zahtjevu, a koja je predviđena po članu 11. navedenog Pravilnika.

Nadalje, utvrđeno je i zapisnički konstatovano da predloženi radnici - kadrovi za obavljanje poslova ispitivanja funkcionalnosti opreme i sistema za dojavu i gašenje požara, ispunjavaju uslove po članu 24. i članu 25. Pravilnika o uslovima za ispitivanju funkcionalnosti opreme i sistema za dojavu i gašenje požara u pogledu smjera i stepena obrazovanja. Imenovani radnici posjeduju rješenja o položenom stručnom ispitu za obavljanje poslova kontrole i ispitivanja u oblasti zaštite od požara, a što je predviđeno po članu 27. Pravilnika.

Pregledom dokumentacije priložene uz zahtjev utvrđeno je da DD "Institut za zaštitu, ekologiju i obrazovanje" Tuzla ispunjava uslove za obavljanje poslova ispitivanje sistema za dojavu i gašenje požara, sistema za dojavu prisutnosti zapaljivih gasova i para i sistema sigurnosne i panik rasvjete propisane članovima 5, 7, 8, i 9. Pravilnika o uslovima za ispitivanje funkcionalnosti opreme i sistema za dojavu i gašenje požara ("Sl.novine TK-a", br: 9/02).


Shodno navedenom, primjenom člana 200. Zakona o upravnom postupku ("Sl. novine F BiH", broj 2/98 i 48/99) i člana 10. Pravilnika o uslovima za ispitivanje funkcionalnosti opreme i sistema za dojavu i gašenje požara ("Sl.novine TK-a br:" 9/02) odlučeno je kao u dispozitivu ovog rješenja.

Protiv ovog rješenja dozvoljena je žalba Komisiji za drugostepeno upravno rješavanje Vlade TK-a u roku od 15 dana od dana prijema istog.

Žalba se podnosi putem ovog organa i taksira sa 10,00 KM administrativne takse.

**Dostavljeno:**

1. "DD" Institut za zaštitu, ekologiju i obrazovanje" Tuzla
2. Inspektorat za zaštitu od požara i
3. a/a.



**MINISTAR**  
**Dr. sc. Sead Omerbegović**